

元和郡縣志卷二十八

唐 李吉甫 撰

江南道 三

鄂州 江夏緊

開元戶一萬九千六百一十八 鄉三十三
元和戶二萬八千六百一十八 鄉三十七

今為鄂岳觀察使理所 管鄂州沔州安州黃州蘄
州岳州管縣二十五

都管戶七萬二千二百四十七

禹貢荊州之域春秋時謂之夏汭漢為沙羨之東境自後漢末謂之夏口亦名魯口吳置督將于此名為魯口

元和郡縣志 卷二十八 十

屯以其對魯山岸為名也三國爭衡為吳之要害吳常以重兵鎮之魏明帝問司馬懿曰二虜宜討何者為先對曰吳以中國不習水戰故敢散居東關凡攻敵必扼其喉而搯其心夏口東關敵之心喉若以陸軍向皖引權東下為水軍向夏口乘其虛而擊之此神兵從天而墜矣晉庾翼為荊州曾理于此義熙初劉毅而以為夏口二州之中地居形要控接湘州邊帶漢沔請荊州刺史劉道規鎮夏口至太年自臨嶂徙理夏口即今州理是也宋孝武帝以方鎮太重分荆湘江三州之八郡為

郢州以分上流之勢隋平陳改郢州爲鄂州州城本夏
口城吳黃武二年城江夏以安屯戍地也城西臨大江
西南角因磯爲樓名黃鶴樓三國時黃祖爲大守吳遣
凌統攻而擒之禰衡遇害亦此地也東南角樓名焦度
樓宋沈攸之自荊州稱兵至此時焦度領兵在此城守
東南角攸之攻之不克遂退走因名焦度樓

州境東西北西四百七十八里

八到西北至東都二千四百六十里

東至江州六百七十里
西至河州隔江七里

元和郡縣志

卷二十八

二

西南至岳州五百一十里
西北至安州二百九十里

正北微東至黃州二百里

貢賦開元貢賦銀布 碌

管縣五

江夏 永興 武昌 唐年 蒲圻

江夏縣望郭下

本漢沙羨縣地屬江夏郡東晉以汝南流人僑立汝南
郡後改爲汝南縣隋開皇九年改爲江夏縣屬鄂州
黃鶴山在縣東九里

江水西南自蒲圻縣界流八又北對崢嶸洲劉毅破桓
玄于此又北流經黃軍浦相傳吳將黃蓋屯軍處
曹公城在縣東北二里梁武起義遣將曹景宗所築
頭陀寺在縣東南二里

鸚鵡洲在縣西南二里

永興縣

緊西北至州四百里

本漢鄂縣地吳大帝分立新陽縣隋開皇九年改爲富
川十八年改爲永興縣

石鼓山在縣西六十里上有三石鼓鼓鳴天卽雨

元和郡縣志

卷二十八

道光十年修

三

大江水在縣西北四十五里

下雉故縣在縣東南一百四十里漢伍被謂淮南王安
曰守下雉之城絕豫章之口是也

陳永興故城在縣東五十里東臨江水俗云伍子胥所
築

武昌縣

緊西至州一百七十里

舊名鄂本楚熊渠封中子紅于此稱王至今武昌人事
鄂王神是也離騷云乘鄂渚而反顧漢以爲縣屬江夏
郡武帝以封姊號鄂邑長公主建安二十五年吳大帝

以下雉尋陽新城柴桑沙羨武昌六縣爲武昌郡黃武初自建業徙都廢黃龍九年于此卽尊位還都建業皇太子登留守武昌以陸遜輔之嘉禾元年太子還建業立皇子奮爲齊王居武昌諸葛恪不欲諸王處瀕江兵馬之地徙居豫章甘露元年歸命侯又都之揚土百姓泝流供給以爲患苦陸抗上疏曰武昌土地實危險而堵确非王都安國養人之處且童謠言甯飲建業水不食武昌魚甯還建業死不止武昌居于是還都建業改爲江夏縣後爲武昌

元和郡縣志

卷二十八

四

樊山在縣西三里謝元暉詩曰釣臺臨講閱樊山開廣宴謂此也

西塞山在縣東八十五里竦峭臨江

孫權故都城在縣東一里餘本漢將灌嬰所築晉陶侃桓溫爲刺史並理其地

唐年縣

上西北至州六百三里

本漢沙羨縣地天寶二年分置唐年縣

葛仙山在縣北六十里

壺頭山在縣東北六十里

下雋故城在縣西南一百六里因雋水爲名

蒲圻縣

上東北至州四百一十里

本漢沙羨縣地晉武帝改爲沙陽今縣

缺

一里沙陽故

縣城是也吳大帝分立蒲圻縣因蒲圻湖爲名本屬長

沙郡隋割屬鄂州

赤壁山在縣西一百二十里北臨大江其北岸卽烏林與赤壁相對卽周瑜用黃蓋策焚曹公舟船敗走處故諸葛亮諭曹公危于烏林是也

雋水源出縣東南

元和郡縣志

卷二十八

五

大蟠水西北流入江

蒲圻湖在縣南七十五里

呂蒙城在縣西南八十里孫權以蒙爲橫野將軍爲周瑜破曹公定荊州于此鎮守

沔州

漢陽上

開元戶五千二百八十六
元和戶二千二百六十二

鄉十二
鄉十二

本漢安陸縣地晉于今州西臨嶂山下置沌陽縣江夏郡自上昶城移理焉後郡又移理夏口沌陽縣屬郡下不改入陳廢隋開皇九年置戍十七年廢戍改置漢津

縣屬沔陽郡大業二年改爲漢陽縣武德四年分沔陽

郡于漢陽縣置沔州及縣竝自臨嶂山下改移于今理

州境東北二百四十六里
西北二百四十六里

八到東北至上都二千三百九十三里
西北至上都二千三百九十三里

東渡江至鄂州七十里
東北至黃州二百里

西至復州竟陵縣三百四十里
西取桐冢路至復州四百六十里

西北至隨州四百八十五里
西北至安州二百八十五里

貢賦開元貢麻白紵布一端
元和貢麻白紵布一端

永案此沔州與蕲洪饒虔吉江袁信撫宣歙潭衡郴
連道邵漳汀涪思費南珍漆播辰錦叙溪施樊

元和郡縣志

卷二十八

六

等州之賦竝傳寫遺缺其所貢之布葛或言端或
言疋據杜佑通典載開元二十年令江南諸州
租布疋本闊八寸長四丈爲疋未悉載當亦由
端與疋本自不同而是志于各州疋未悉載當亦由
傳寫失之

管縣二

漢陽 岷川

漢陽縣中郭下

縣本末已具州叙

魯山一名大別山在縣東北一百步其山前枕蜀江北

帶漢水山上有吳將魯肅神祠

臨嶂山在縣西六十里

大江水南自復州沔陽縣界流入去縣東二十步東北流入黃州界

漢水一名沔水西自**汶**川縣界流入漢陽縣因此水爲名

卻月故城在縣北三里劉表將黃祖所守處

汶川縣 中東至州一百五十里

本漢陽縣地武德四年分置**汶**川縣因**汶**水爲名也
內方山在縣南九十里

元和郡縣志

卷二十八

七

小別山在縣東南五十里春秋吳代楚令尹子常濟漢而陣自小別至于大別卽此也

汶川水在縣南二里西北自鄂州界流入

赤壁草市在縣西八十里古今地書多言此是曹公敗處今按三國志劉表卒其子琮代立在襄陽劉備屯樊琮降曹公備隨南走曹公以江陵有軍實恐備先據得之自當陽倍道追備一日夜行三百里遂克江陵又自江陵追備至巴邱遂至赤壁孫權遣周瑜程普各領兵萬人與劉備來敵曹公遇于赤壁因風縱火曹公大敗

遂取華容道步歸退保南郡瑜等復追之曹公留曹仁守江陵自徐北歸據此而言則赤壁不在汊川也何則曹公既從江陵水軍至巴邱赤壁又在巴邱之下軍敗引還南郡周瑜水軍退並是大江之中又汊川殊爲乖繆蓋是側近居人見崖岸赤色因呼爲赤壁非曹公敗處也

安州 安陸中都督府

開元戶二萬二千二百二十二
元和戶九千八百一十九 鄉三十五
鄉三十五

春秋時鄖國後爲楚所滅漢爲安陸縣高帝六年分南

元和郡縣志 卷二十八 八

郡置江夏郡于此領縣二十四後漢移里沙羨案後漢書郡國

志云凡縣名先書者郡所治也其志江夏郡先書西陵最後乃書沙羨似無移治之事蓋亦劉昭所謂遣銑象書所載之一證也此元和志不專據范志故下文有前史所載云云 曹魏齊王芳時王基

爲荊州自城上昶徙江夏郡理之以逼夏口在今州西北五十三里上昶故城是也江夏郡自後漢末當吳魏二國之境永嘉南遷後又當苻秦石趙與東晉犬牙爲界自後魏周隋與宋齊梁陳交爭之地故江夏前史所載或移于沙羨或移于上昶或移里魯山城南北二朝兩置江夏郡吳理武昌曹魏與晉俱理安陸故漢所理

江夏郡前書多言在安陸其雲夢縣東南四里澗水之北有江夏古城周所理據山川言之此城南近夏水餘趾寬大則前漢江夏郡所理也宋武帝分江夏置安陸郡後魏大統十六年改爲安州案地理志云西魏置安州郡總管府開皇十四年府廢又云舊置安陸郡開皇初郡廢大業初復置舊唐書地理志云宋分江夏立安陸郡武德四年改爲安州治于安陸

州境東南西北三百二十五里

八到東北至上都一千九百七十里
東至黃州三百八十里
東南至沔州三百八十里

元和郡縣志 卷二十八 九

東南至鄂州三百九十里
西南至復州三百二十里
西北至隨州一百五十五里

貢賦開元貢賦 紵布一十八疋 綿紵

管縣六

安陸 應山 雲夢 孝昌 吉陽 應城

安陸縣上郭下

本漢舊縣屬江夏郡隋改屬安州案隋書地理志安陸郡治此云

改屬未協州治各縣書例與舊唐書安陸縣志文亦不符其城三重西枕澗水

陪尾山一名橫山在縣北六十里案橫山漢書地禹貢

云熊耳外方桐柏至于陪尾卽此也

澗水故清發水也西北自隋州流入注于沔謂之鄖口
春秋吳敗楚于相舉從之及于清發是也

雲夢澤在縣南五十里史記司馬相如傳曰楚有七澤
其小者名雲夢方九百里左傳云邳子之女棄子于夢
中無雲字楚子濟江入雲中復無夢字以此推之則雲
夢二澤本自別矣而禹貢及爾雅皆曰雲夢者蓋雙舉
二澤而言之故後代以來通名一事左傳曰畋于江南
之雲夢是也

元和郡縣志

卷二十八

十

應山縣

中南至州一百八里

本漢隋縣地梁大同以隨州北界應濃山戍置應州又
分隨縣置永陽縣隋開皇十八年改永陽爲應山縣
石龍山在縣東北二十五里有石盤回屈曲若龍形
澧山關因古澧山縣爲名武德八年縣廢卽齊志所謂
武陽關也在州東北二百四十里在縣東北一百三十
里北至申州一百五十里

百雁關按圖經云昔有雁息其上故以爲名在州東北
二百里在縣北九十里北至申州九十里東至澧山關

一百里

平靖關因古平靖縣爲名後魏大統十七年置隋大業二年廢齊志云義陽有三關此則其一在州北一百七十里在縣北六十五里北至申州九十里東至百雁關一百六十里

雲夢縣 中北至州七十里

本漢安陸縣地後魏大統未于雲夢古城置雲夢縣雲夢澤在縣西七里事見上

孝昌縣 中西至州八十里

元和郡縣志

卷二十八

十一

本漢安陸縣地宋于此置孝昌縣屬江夏郡隋改安州也

吉陽縣 中西至州一百三里

本漢安陸縣地梁于此置平陽縣其故城今理是也西魏改爲京池縣隋大業二年改爲吉陽因縣北吉陽山爲名

應城縣 中東北至州八十里

本漢安陸縣地宋于此置應城縣

故浮城縣在縣西北三十五里卽古蒲騷城也左傳莫

敖狃于蒲騷之役鄖人軍于蒲騷是也後魏于此置浮城縣隋廢

孔山故城在縣東北一百一十里

平靖故城在縣西四十里

吉陽故城在縣北五十里

黃州 齊安下

開元戶一萬三千七十三
元和戶五千五十四
鄉二十八
鄉一十八

本春秋時邾國之地後又為黃國之境戰國時屬楚秦屬南郡二漢為江夏郡西陵縣地魏為重鎮文帝黃初

元和郡縣志

卷二十八

十二

中吳先揚言欲畋于江北豫州刺史滿寵度其必襲西陽遂先為之備權聞之尋亦退還後吳克邾城使陸遜以三萬人城而守之至晉為西陽國封子弟為王蕭齊于此置齊安郡隋開皇三年罷郡置黃州因古黃國為名也

州境 東西南北三百三十七里

八到 西北至東都二千二百八十里
東至東都一千四百七十里
西至東都一千二百七十里

東至大蘄州二百三十里
南至大江一百三十里

西南至鄂州二百三十里
西至安州三百一十里

北至光州三百六十里

貢賦

開元貢賦

紵

布十疋

綿

麻

管縣三

黃岡

黃陂

麻城

黃岡縣

上郭下

本漢西陵縣地故城在今縣西二里蕭齊于此置齊安

縣隋開皇十八年改爲黃岡因縣東黃岡爲名

大江水西自黃陂縣界流入經州南一百一十八里東

入蘄州界

元和郡縣志

卷二十八

十三

故邾城在縣東南一百二十里古邾國也後爲楚所滅

漢以爲縣

西陽故城在縣東南一百三十里漢縣也屬江夏郡

大活故城在縣北二百三十五里隋于此置關鎮

黃陂縣

中東北至州一百二十里

本漢西陵縣地三國時劉表爲荊州刺史以此地當江

漢之口懼吳侵軼建安中使黃祖于此築城鎮遏因名

黃城鎮周大象元年改鎮爲南司州并置黃陂縣隋初

改爲鎮後復爲縣

白沙關西至大關六十里在州西二百四十里北至光州界二十五里

大活關東北至光州二百八里西至安州澧山關一百里在縣北二百里

大江水在縣南一百一十九里西南自江夏縣界流入又東入黃岡縣界

武湖在縣南四十九里黃祖閱武習戰之所後宋謝晦舉兵叛爲檀道濟所破敗走武湖戍生執之卽此地也龍驤水在縣南七十二里相傳晉龍驤將軍王濬率舟

元和郡縣志

卷二十八

十四

師伐吳屯軍于此

石陽故城在縣西二十三里吳聞魏文帝崩征江夏圍石陽不克而還卽此也

安昌故城在縣西南七十里高齊築以捍陳寇

麻城縣

中南至州一百一十里

本漢西陵縣地梁于此置信安縣隋開皇十八年改爲麻城縣

龜頭山在縣東南八十里舉水之所出也春秋吳楚戰于柏舉卽此地也

穆陵關西至白沙關八十里在縣西北一百里在州北
二百里至光州一百四十九里

陰山關西至穆陵關一百里在縣東北一百一十里在
州東北二百一十里北至光州殷城縣二百里

蘄州 蘄春上

開元戶二萬六千八百九
元和戶一萬六千四百六十二 鄉五十一

禹貢揚州之域春秋戰國並屬九江郡在漢為蘄春縣
地屬江夏郡三國時屬魏魏使廬江謝奇為蘄春典農
屯皖呂蒙襲擊破之後于此復置蘄春郡晉孝武帝改

元和郡縣志

卷二十八

十五

曰蘄陽以鄭太后諱故也高齊于此立齊昌郡後陷于
陳改為江州周平淮南改為蘄州

州境 東西南北 三百三十九里

八到 西北至東都 二千七百一十里

西北至黃州 二百五十里

東北至舒州 三百七十里

貢賦 開元貢 白紵布一十五疋

管縣四

蘄春 黃梅 蘄水 廣濟

蘄春縣 上郭下

本漢舊縣屬江夏郡因蘄水以爲名也晉改爲蘄陽隋開皇十八年復改蘄春縣

蘄水西南經縣三里源出東北大浮山一名蘄山

翻車故城在縣東南八十二里九江王黥布背項籍歸漢因築此城城近翻車水因以爲名

黃梅縣 上西至州 百四十里

本漢蘄春縣地隋開皇九年置新蔡縣屬蘄州仁壽元年改爲黃梅縣因縣北黃梅山爲名縣城晉驃騎將軍

元和郡縣志

卷二十八

十六

郭默所築

大江水在縣南一百里

太子洙在江之岸梁武帝初下建業留丁貴嬪于此生太子因以爲名

九江故城在縣西南七十里漢九江王黥布所築

蘄水縣 上東南至州七十二里

本漢蘄春縣地宋文帝于此置浣水縣北齊改爲蘭溪鎮武德四年改爲縣天寶六年以名重改爲蘄水縣也

廣濟縣 中西至州五十里

本漢蘄春縣地武德四年以此地衝要置永寧縣天寶元年以名重改爲廣濟縣

江水在縣南一百二十里

積布山在縣南一百里南臨大江壘石壁立形如積布

故以爲名俗謂之積布磯

岳州 巴陵下

開元戶九千五百六十五
元和戶一千五百三十五

案鄉二十一
鄉數傳寫缺

本巴邱地古三苗國也史記三苗之國左洞庭右彭蠡春秋及戰國時屬楚秦屬長沙郡吳于此置巴陵縣宋

元和郡縣志

卷二十八

十七

文帝又立爲巴陵郡梁元帝改爲巴州隋開皇九年改爲岳州大業三年爲羅州武德六年復爲岳州

州境 東三百九十一里
西三百五十五里
南四百五十五里
北四百五十五里

八到 西北至上都二千二百五十五里
東北至上都一千八百六十五里
東至潭州五百五十五里
南至潭州五百五十五里

西北至澧州四百七十里
西至江陵府五百七十里
北至復州沔陽縣五百五十里

貢賦 開元貢細紵布
麻紵布
縑

元和貢白紵練布七疋

管縣五

巴陵 華容 湘陰 沅江 昌江

巴陵縣 上郭下

本漢下雋縣之巴邱地也下雋屬長沙郡故城在今蒲圻縣界吳初巴邱置大屯戍使魯肅守之後改爲巴陵縣自晉以後遂因之蜀志曰西增白帝之兵東益巴陵之戍又周瑜卒于巴邱皆此地也昔羿屠巴蛇于洞庭其骨若陵故曰巴陵

君山在縣西三十里青草湖中昔秦始皇欲入湖觀衡

元和郡縣志

卷二十八

十八

山遇風浪至此山止泊因號焉又云湘君所遊止故名之也

大江在縣北五里

巴陵城對三江口岷江爲西江澧江爲中江湖湘江爲南江

彭城洲在縣東北九十四里宋元嘉三年荊州刺史謝晦反臺遣到彥之進討軍次彭城洲彥之軍敗退保隱磯卽此處也

侯景浦在縣東北十二里本名三湘浦景旣克建業自

統兵西趣荆峽先遣其將宋子仙任約襲郢州湘東王
繹令王僧辯拒之景軍大敗燒營退走天監中寶誌道
人爲符書云起自汝蔡訖于三湘侯景東起于懸瓠汝
水之南而敗于巴陵三湘之浦也

洞庭湖在縣西南一里五十步周迴二百六十里湖口
有一洲爲曹公洲

巴邱湖又名青草湖在縣南七十九里周迴二百六十
五里俗云古雲夢澤也曹公征荊州還于巴邱遇疾燒

船案魏志郭嘉傳歎曰郭奉孝在不使孤至此

元和郡縣志

卷二十八

十九

澧湖一名翁湖在縣南十一里爾雅云河水決出還復
入者爲澧左傳定公四年吳人敗楚于雍澨五戰入郢
卽此是也

陶侃故城在縣東北八里

華容縣

中東至州一百六十里

本漢孱陵縣地吳分置安南縣隋平陳以縣屬岳州隋
開皇十八年改爲華容縣

方臺山在縣南三十二里出雲母往往有長四尺者可
以爲屏風掘時忌有聲响則所得麤惡

赤亭湖在縣南八十里侯景攻巴陵遣將任約等入湖
湘東王使胡僧祐陸法和夜以大艦遏湖口因風縱火
鼓譟而前賊窮聚湖中俄然崩潰卽此也

赤亭故城在縣西南七十里城據絕景原三面臨水極
爲阻隘梁湘東王遣胡僧祐據城以擒任約

湘陰縣

中下北至州三百三十里

本春秋時羅子國秦爲羅縣今縣東北六十里故羅城
是也宋元徽二年分益陽羅湘西三縣立湘陰縣

玉笥山在縣東北七十五里屈原放逐居此山下而作

元和郡縣志

卷二十八

二十

九歌焉

湘水南自長沙縣界流入又北入青草湖昔王延壽有
異才年二十而得惡夢作夢賦年二十一溺死于湘浦
卽斯川也湘水至清雖深五六丈了了見底

汨水東北自洪州建昌縣界流入西經玉笥山又西經
羅國故城爲屈潭卽屈原懷沙自沈之所又西流入于
湘水

舜二妃冢在縣北一百六十三里青草湖上

屈原冢在縣北七十一里

沅江縣

中下東北至州三百七十里

本漢益陽縣地梁元帝分置重華縣隋平陳改爲安樂縣開皇末又改爲沅江縣

關州在縣東南五十八里建安二十年孫權以先主得蜀使使求荊州先主言須得涼州乃相與權患之遣呂蒙襲長沙零陵桂陽三郡先主引兵五萬下公安令關羽入益陽此州蓋羽屯兵之處故以爲名

沅江水西北自龍陽縣界流入與華容縣中分爲界

昌江縣

中下西北至州六百五十里

元和郡縣志

卷二十八

二十一

後漢分長沙爲漢昌縣孫權改爲吳昌縣神龍三年析湘陰于故吳昌城改置昌江縣
汨水在縣東北四十里

元和郡縣志卷二十八